



古人誌銘之作所以述其人之功行取信來世其詳畧後先一成不變後人因其可見者依文釋義而例起焉夫例者規矩也規以爲圓矩以爲方天下之爲圓爲方者萬變錯出而莫能外凡執規矩以求合於方圓與離規矩而自以爲方圓要之皆無當於規矩也故曰規矩方圓之至也明王止仲先生墓銘舉例一書其示人方圓之至乎是書一宗韓子附見者十

四家各著其例於題下余友諸君郢滕得抄本於枚里程君所乙亥初夏過類谷見此書請付梨棗以公

墓銘舉例王序

一

同好并借諸文集善本是正訛謬而以黃梨洲先生金石要例附焉世有讀是書而能心知其意者則執筆爲人銘庶不至偃規矩而改錯矣刻成因署其緣起如此乾隆二十一年春正望日金匱王頴銳書于硯腴齋

王止仲著墓銘舉例四卷一以韓子爲宗舉其例於
題下附見者十四家與元潘蒼崖金石例相表裏是
書向未開雕爨者秀水竹垞先生曾從吾鄉秦氏借
抄余求之歷年莫能得客歲枚里程君魚門購得於
維揚錄副本見餉王君秉誠好讀異書舉以付之鐫
工并附黃梨洲金石要例于後止仲歿四百年而其
書始行可歎也止仲名行長洲人洪武初爲郡庠經
師喜談兵與道衍善後坐涼國公藍玉事論歿所著
尙有半軒楮園二集乾隆乙亥嘉平月無錫諸洛書

文非法不工而碑誌之文尤嚴於法顧法之爲用屢
變不窮不勝舉也不得已舉其例焉夫例亦文之法
也名氏世系生卒葬妻某子某或書或不或詳焉或
畧焉其書之或前焉或後焉其爲例亦不一要皆有
當然不可易者當然不可易者法也古有是例我以
其例例之而不得其所以例不可以例也古無是例
得其所以例者而推之而變化出之亦例也又奚謬
乎古人之例哉明王止仲先生撰墓銘舉例四卷一
以昌黎韓氏爲宗附之而見者凡十有四家其書與

墓銘舉例序

潘蒼厓金石例並行於世吾鄉王君秉誠有文而篤
於古慮其傳寫訛謬爲校正刊之舉黃黎洲金石要
例附焉世有讀是書者因其例得其所以例焉且推
是以求之得其所以立言之法焉古文之學庶有振
也母亦先生撰述之意也夫乾隆二十年乙亥六月
七日鄒鐔敘



墓銘舉例卷一

姑蘇王行止仲編

金匱王穎銳秉誠校

凡墓誌銘書法有例其大要十有三事焉曰諱曰字曰姓氏曰鄉邑曰族出曰行治曰履歷曰卒曰曰壽年曰妻曰子曰葬曰曰葬地其序如此如韓文集賢校理石君墓誌銘是也其曰姓氏曰鄉邑曰族出曰諱曰字曰行治曰履歷曰卒曰曰壽年曰葬曰曰葬地曰妻曰子其序如此如韓文故中散大夫河南尹杜君墓誌銘是也其他雖序次或有先後要不越此十餘事而已此正例也其有例所有而不書例所無而書之者又其變例各以其故也今取韓文所載墓誌銘錄其目而舉其例於各題之下神道碑銘亦舉之又於李文公柳河東二家之文拔其尤以附于後用廣韓文之例焉

韓文公文六十六首

墓誌銘五十三首

墓碣二首

殯表一首

神道碑銘十首

集賢院校理石君墓誌銘

右誌正例書也

故中散大夫河南尹杜君墓誌銘

右誌正例書也詳書世胄重其族之大也又
一例也

太原府參軍苗君墓誌銘

右誌正例書也書季子生卒後紀實也不舉
以爲例以非嫡長之重也

國子助教河東薛君墓誌銘

右誌正例書也

墓銘舉例卷一

二

唐故江西觀察使韋公墓誌銘

右誌正例書也詳書兩娶之父祖兩娶皆先
卒故於此見焉又一例也

唐正議大夫尚書左丞孔公墓誌銘

右誌正例書而稍變也

唐故昭武校尉守左金吾衛將軍李公墓誌銘

右誌不書姓宗室也元配書遠祖顯也又一

例也兩娶析書其子女又一例也凡不書姓

宗室也名門也鉅族也貴戚也顯家也五者

人所習聞而易知也五者之外又有已見於
題而不書者蓋題實文之綱文固題之目綱
既舉之在目有可畧之理此又不書姓之通
例也然畧其姓者其敘族出多詳焉

中大夫陝府左司馬李公墓誌銘

右誌不書姓宗室也

唐故秘書少監贈絳州刺史獨孤府君墓誌銘

右誌不書姓名門也書妻之父祖顯也

柳子厚墓誌銘

墓銘舉例卷一

三

右誌不書姓名門也書子不書妻畧也子厚
初娶楊憑女先十七年卒無子不果再娶子
蓋微出也又一例也題不書官其字重於官
也又一例也

唐故河南令張君墓誌銘

右誌不書姓名門也卒不書日畧也凡例之
所畧者以非所重也如書諱而不書字書卒
而不書日書葬而不書地之類又一例也

虢州司戶韓府君墓誌銘

右誌不書姓名門也

唐故朝散大夫商州刺史除名徙封州董府君墓誌
銘

右誌不書姓顯貴家也

唐故檢校尚書左僕射右龍武軍統軍劉公墓誌銘
右誌不書姓顯貴家也

殿中少監馬君墓誌

右誌不書姓顯貴家也不書字卒不日葬不
日不書地不書妻重在叙其世舊故畧也無

墓銘舉例卷一

四

銘詩亦畧也然銘亦不必皆詩文卽銘焉耳
又一例也

處士盧君墓誌銘

右誌不書姓畧也書子不書妻或未娶也不
然同柳子厚誌例也

故江南西道觀察使贈左散騎常侍太原王公墓誌
銘

右誌不書姓畧也特書母郡氏贈號又一例
也

唐故朝散大夫尙書庫部郎中鄭君墓誌銘

右誌不書姓畧也書母氏因事也析書兩娶
之子女同昭武校尉李公誌例也

崔評事墓銘

右誌不書姓畧也書子而不書名亦畧也誌
中多有之而不舉者不足以爲例也

故幽州節度判官贈給事中清河張君墓誌銘

右誌卒不日畧也書妻之父祖以妻之孝順
祇脩故詳其所自出又一例也

墓銘舉例卷一

五

唐故朝散大夫越州刺史薛公墓誌銘

右誌書母氏因事也姓見銘詩中又一例也

河南少尹裴君墓誌銘

右誌姓見銘詩中同越州刺史薛公誌例也

施先生墓銘

右誌不書字葬不日畧也有子而書其寮買

石誌其墓雖紀實又一例也前旣書諱某爲
之辭曰云云後又書系曰云云則所謂辭者

誌也所謂系者銘也不曰銘而曰系又一例

也世系鄉邑葬地見銘詩中又一例也題不書官而書先生從諸生之稱也又一例也

考功員外盧君墓誌銘

右誌不書名字卒不日畧也書妻之父祖妻同葬也無銘詩亦畧也無銘詩而題曰墓銘又一例也

襄陽盧丞墓誌銘

右誌不書字卒不日無銘詩畧也官則連父祖之官書於誌中諱又連父祖之諱書於誌

墓銘舉例卷一

六

末又一例也

試大理評事王君墓誌銘

右誌不書字畧也

故太學博士李君墓誌銘

右誌不書字不書族出無銘詩畧也重在論服食而致誠也又一例也

登封縣尉盧殷墓誌

右誌不書字不書族出無銘詩畧也題書其名又一例也

唐故河南府王屋縣尉畢君墓誌銘

右誌不書字畧也

故貝州司法叅軍李君墓誌銘

右誌遠書世系而不書父不書壽年卒不日無銘詩畧也重在紀其世著其德識其葬也舉三綱而後目之又一例也曰墳曰墳曰窆各謹書其目又一例也

李元賓墓誌銘

右誌不書族出卒不日葬不日不書妻子客

葬畧也云書石以誌則非刻石也雖紀實又一例也

南陽樊紹述墓誌銘

右誌卒不日葬不日不地不書妻子重在論其文故畧也題不書官同椰子厚誌例也

興元少尹房君墓誌

右誌卒不日畧也

唐故虞部員外郎張府君墓誌銘

右誌書母封因事也卒不日葬不日無銘詩

畧也

韓滂墓誌銘

右誌卒不日葬書旣歛七日而不書其日畧也

鳳翔隴州節度使李公墓誌銘

右誌書母封氏因事也書妻之父祖以妻賢有法度故詳其所自出同幽州節度判官清河張君誌例也

殿中侍御史李君墓誌銘

墓銘舉例卷一

八

右誌書母氏因事也

貞曜先生墓誌

右誌書母氏因事也題不書官與姓而書先生從謚者之志尊之也又一例也

河南少尹李公墓誌銘

右誌特書母郡氏同江南西道觀察使太原王公誌例也書妻之曾祖以其有大名且妻同葬也而不及其父畧也

唐故國子司業竇公墓誌銘

右誌詳敘其兄弟所歷官以其皆有才名又一例也世系見銘詩中同施先生銘例也

唐朝散大夫贈司勳員外郎孔君墓誌銘

右誌詳敘其兄弟同國子司業竇公誌例也

唐河中府法曹張君墓碣銘

右碣書妻之父祖以其世有衣冠且因妻之辭以銘故詳其所自出同幽州節度判官清河張君誌例也無銘詩畧也

清河郡公房公墓碣銘

墓銘舉例卷一

九

右碣卒不日葬不日不地畧也書子不書妻或未娶也不然同柳子厚誌例也

監察御史元君妻京兆韋氏夫人墓誌銘

右誌書母之父祖顯也又一例也書夫之履歷誌婦人之通例也子女見銘詩中又一例也

息國夫人墓誌

右誌不書諱婦人重在姓故或畧之也又一例也書其夫男女七人而惟叙夫人所生之

男女詳嫡而畧庶又一例也題書封而不書氏榮其封也又一例也

楚國夫人墓誌銘

右誌銘不書諱同息國夫人誌例也世系見銘詩中同施先生銘例也題書封而不書氏同息國夫人誌例也

扶風郡夫人墓誌銘

右誌銘不書諱同息國夫人誌例也卒不日葬不地畧也題書封而不書氏同息國夫人

墓銘舉例卷一

十

誌例也

河南緱氏主簿唐充妻盧氏墓誌銘

右誌書母氏因事也題書其夫名又一例也四門博士周况妻韓氏墓誌銘

右誌書母氏因事也卒不日葬不日畧也題書其夫名同緱氏主簿唐充妻盧氏誌例也乳母墓誌銘

右誌不書族出微也又一例也無銘詩畧也臨邛韓氏曰葬乳母而爲之銘自公始也又

一例也

女挈壙銘

右題書壙銘又一例也

河南府法曹叅軍盧府君夫人苗氏墓誌銘

右誌序畧而銘詳又一例也

試大理評事胡君墓銘

右銘無序又一例也

盧渾墓誌銘

右銘無序同大理評事胡君銘例也銘惟告

墓銘舉例卷一

十一

慰之辭無所敘述又一例也題書其名非例也適其可也

施州房使君鄭夫人殯表

右表實銘詩也銘宜詩而墓銘有用文者表宜文而此表乃用詩焉皆變例也殯而有表又一例也

曹成王碑

右碑不書卒日葬日不書妻畧也凡墓碑皆立於既葬之後如此碑之立王薨已二十五

年蓋葬時已自有誌矣故特書其大者耳大者謂世系也名行也功業也

唐故相權公墓碑

右碑正例書也官位爵謚所宜詳焉此墓碑之例也

唐銀青光祿大夫守左散騎常侍致仕上柱國襄陽郡王平陽路公神道碑銘

右碑正例書也

司徒兼侍中中書令贈太尉許國公神道碑銘

墓銘舉例卷一

三

右碑正例書也書母氏封因事也書母之兄以少依舅氏故也題書官封而不書姓又一例也

唐故河東節度觀察使滎陽鄭公神道碑文

右碑正例書也書母郡氏因事也銘而曰系同施先生銘例也不用詩而議論以感歎焉又一例也

唐故江南西道觀察使中大夫洪州刺史兼御史中丞上柱國賜紫金魚袋贈左散騎常侍太原王公神

道碑銘

右碑正例書也凡神道碑銘與墓誌銘有不
同者墓誌銘宜簡而要神道碑銘宜雅而詳
以太原王公神道碑銘與太原王公墓誌銘
劉統軍碑與統軍劉公墓誌銘攷之可見也

劉統軍碑

右碑詳書官階封爵食邑贈官於敘事之首
以其所終者始之所以侈其榮也又一例也
而銘詳序畧叙所宜敘者銘中銘之又一例

墓銘舉例卷一

七

也

唐故銀青光祿大夫檢校左散騎常侍兼右金吾衛
大將軍贈工部尚書太原郡公神道碑文

右碑姓見銘詩中同越州刺史薛公誌例也
題書官封而不書姓同贈太尉許國公碑例
也

清邊郡王楊公神道碑

右碑不書姓畧也詳書兩妻之父祖同昭武
校尉李公誌例也凡神道碑首必詳書其世

系重其所自出也而此畧之先世蓋可知矣
唐故中散大夫少府監胡良公墓神道碑

右碑卒不書日畧也凡墓碑題書神道則不
書墓字而此書之莆田方氏以爲亦變例也

李文公文九首

墓誌銘七首

神道碑銘二首

唐故福建等州都團練觀察處置等使兼御史中丞
贈右散騎常侍獨孤公墓誌

右誌不書姓名門也書父諡而不書諱又畧

例之變也云未仕而夫人卒則妻卒幾二十
年矣而書子生九歲則子蓋微出也又一例
也比韓文柳子厚誌例此尤著明也

故處士侯君墓誌

右誌不書族出壽年卒日葬日不書妻無銘
詩畧也重在敘其意氣文辭也君嘗仕矣而
題書處士者蓋三縣皆攝仕猶不仕不足以
旌其高也又一例也

兵部侍郎贈工部尚書武公墓誌

右誌既書丁尊夫人憂再朞服除又書母夫人暴卒則所謂母夫人蓋其生母也按韓文墓誌無書生母者而此書之又一例也然亦因事非特書也

故河南府司錄參軍盧君墓誌銘

右誌不書姓名門也書卒月日而不書年書葬而不書日畧也

叔氏墓誌

右誌序畧而嚴重在書其葬日也書于茲而

墓銘舉例卷一

五

不書其地卽其地以實之也又一例也銘惟哀其野殯與慰其客葬之辭無所敘述同韓文盧渾誌例也

故懷州錄事參軍武氏妻傅氏墓誌

右誌不書諱同韓文息國夫人誌例也無銘詩權葬畧也題書其夫不曰君而曰氏又一例也

故朔方節度掌書記殿中侍御史昌黎韓君夫人京兆韋氏墓誌銘

右誌書夫人姓京兆韋氏冠姓字於鄉邑之上而以氏次之又一例也不書諱同武氏妻傅氏誌例也書弗克祔于殿中君之族而依于女子氏之黨紀實也然非禮也故曰權道也且將有待也又一例也

唐故特進左領軍衛上將軍兼御史大夫平原郡王贈司空柏公神道碑

右碑葬不日畧也

唐故橫海軍節度齊棣滄景等州觀察處置等使金

墓銘舉例卷一

六

紫光祿大夫檢校兵部尙書使持節齊州諸軍事兼齊州刺史御史大夫上柱國貝郡開國公食邑二千戶贈右僕射傅公神道碑

右碑題書官階勛爵甚詳而序多畧又一例也蓋題爲綱文爲目綱旣詳之而目則畧者嫌于辭之繁也其綱舉其要而目致其詳者

如韓文唐故河東節度觀察使滎陽鄭公神道碑文之類是也然綱要而目詳者其常綱詳而目畧者其變故曰又一例也

按神道碑其題有二有碑額之題有碑文之題碑額之題簡碑文之題詳蓋既題其額又題其文也故韓文有錄其碑額之題者有錄其碑文之題者碑額之題如曹成王碑劉統軍碑之類碑文之題如唐銀青光祿大夫守左散騎常侍致仕上柱國襄陽郡王平陽路公神道碑銘唐故江南西道觀察使中大夫洪州刺史兼御史中丞上柱國賜紫金魚袋贈左散騎常侍太原王公神道碑銘之類是

也若蘇文忠公所謂碑身上更不寫題古制如此又謂碑只用大額向下小字直寫文辭不須寫題目者施於宸奎閣碑與經藏碑耳非謂墓碑也公又嘗與人簡云墓表小字亦有題目額上不當復云墓表故別寫四大字也以此推之墓碑用兩題可見矣

墓碑銘始于漢洪适隸釋所載俱有額無題惟樊安碑首行有題無額額字有多至二十餘字者題額之簡非例也既題額又題文亦

非例也文忠實通言之耳別寫四大字者變也

柳河東文二十七首

墓誌銘一十三首

墓碣二首

權厝誌三首

誌殯一首

續墓誌一首

墳記一首

墓磚記一首

墓誌石蓋文一首

墓表二首

墓版一首

神道表一首

墓銘舉例卷一

六

唐故邕管經畧招討等使朝散大夫持節都督邕州諸軍事守邕州刺史兼御史中丞賜紫金魚袋李公墓銘

右誌世系用宗法書以其代有土田也又一例也

故試大理評事裴君墓誌

右誌三代以昭穆書又一例也書未果娶而書有男子二人女一人則男女微出也又一例也比韓文諸不書妻例此尤著明矣

故秘書郎姜君墓誌

右誌不書妻而書子某母曰雷姬此墓誌中書妾媵例又正例之再變也

故襄陽丞趙君墓誌

右誌敘其履歷甚畧重在書其子之協卜而得殯所以著其孝感也

覃季子墓銘

右銘例所宜有皆畧之重敘其著書與歎其不顯也

墓銘舉例卷一

九

東明張先生墓誌

右誌不書字不書壽年書卒之歲月而不日畧也按韓文無書生者此書生天寶又一例也然因其命弟之辭又不著其歲非特書也題繫其所居而書先生非例也學黃老者之常稱也

郭箏師墓誌

右誌叙之所敘重在其善音也壽年葬日見銘詩中同韓文施先生銘例也書其藝于題

之端又一例也

亾友故秘書省校書郎獨孤君墓碣

右碣詳記其友之知名者于後與先君石表
陰先友記同意又一例也無銘詩畧也題書
亾友以表之又一例也

故御史周君碣

右碣惟敘其以諫而歿一事此所以立石者
也他非所重故多畧也

先太夫人河東縣太君歸祔誌

墓銘舉例卷一

三

右誌銘其母之葬也無銘詩非畧也不忍詩
而銘之也又一例也題書歸祔又一例也

伯祖妣趙郡李夫人墓誌銘

右誌不書諱同韓文息國夫人誌例也旣敘
其世系族出矣又書其夫之世系族出特加
詳焉蓋婦人以從人爲貴內夫家故敘夫姓
爲尤備又一例也

叔妣吳郡陸氏夫人誌文

右誌書諱又書字正例之備者也不書其夫

之諱蓋已表其墓而書之矣故誌末云恭惟仲父之諱與夫人之爵齒備于版文今不書懼再告也然韓文誌婦人亦不皆書其夫之諱則又其通例也無銘詩畧也

朗州員外司戶薛君妻崔氏墓誌

右誌詳書其夫之世系族出同伯祖妣趙郡李夫人誌例也先書其夫之他姬子男某女某後書其子男某女某所以別先後明嫡庶也又一例也

墓銘舉例卷一

三

趙秀才羣墓誌

右誌銘而不序同韓文試大理評事胡君銘例也題書其名雖非例亦韓文盧渾墓銘之類也

故永州刺史流配驩州崔君權厝誌

右誌旣書二孤溺歿又云今尙有五丈夫子則子蓋七人也而惟二孤書名權厝畧也族出諱字壽年見銘詩中同郭箏師誌例也權厝有誌又一例也

故連州員外司馬凌君權厝誌

右誌不書族出不書壽年不書葬日權厝畧也

誌從兄弟宗直殯

右誌卒不書日而云元和十年七月病又云是月二十四日殯歿七日矣以七日與二十四日權之則卒日可見矣又一例也誌其人殯又一例也

續榮澤尉崔君墓誌

墓銘舉例卷一

三

右誌題書曰續蓋以續崔太傅祐甫之辭也故惟敘其緩葬之故與著其終事之年月日而他不及也案韓李文無所謂續志者而此有焉又一例也無銘詩非畧也無所事乎銘也又一例也

亾姑渭南縣尉陳君夫人權厝誌

右誌不書諱同伯祖妣趙郡李夫人誌例也特書母郡氏同韓文故江南西道觀察使太原王公誌例也無銘詩畧也

韋夫人墳記

右記云祔而不合大葬未利以俟蓋實權厝誌也其辭甚畧而惟詳其塋之年月日又一例也題書墳記又一例也

小姪女子墓磚記

右記實銘詩也而無序同趙秀才羣誌例也題書墓磚記又一例也

亾姊崔氏夫人墓誌蓋石文

右文云敢祔碑陰之義假蓋石以書其辭則

墓銘舉例卷一

三

非正例也其爲婦爲妻爲母之道良人旣爲之誌而銘之矣故惟敘其自知幼以至于笄誌爲女之道焉又一例也

唐故給事中皇太子侍讀陸文通先生墓表

右表議論以發其端而敘爲春秋之學者互相排詆所以歎聖人之難知而著其春秋集註爲有功也又一例也畧其履歷者非所重也按此例蓋以其所專重者不可不詳故於其不必兼詳者不得不畧又畧例之大者也

故弼農令柳府君墳前石表辭

右表詳敘其大墓昭穆之位又一例也書妻之父祖妻同葬也

故叔父殿中侍御史府君墓版文

右君墓版其實表也首敘世系同韓文諸神

道碑例也其敘德履云其在閨門也且在公門也則綱而目之云修己之大經也從政之大畧也孝如方輿公文如吳興守正如衛太史清如魯士師則目而綱之又一例也

墓銘舉例卷一

一

先侍御史府君神道表

右表首敘世系同叔父府君墓版例也表陰記其先友自袁高至張宣力凡六十七人其末書云先君之所與友凡天下善士舉集焉信讓而大顯道博而無雜今之世言交者以爲端敢悉書所尤厚者附茲石以銘于背同亾友獨孤君碣例也蘇文忠公云先友六十七人考之於傳卓然知名者蓋二十人焉邵太史云子厚欲著其父雖不顯所交游者皆

天下善士故刻其姓名官爵云曰神道表又
一例也

案墓銘不始於唐而今舉唐人以為例者何
也以八代之衰文不足以據也夫銘者論撰
其先祖之有德善功烈勲勞慶賞名聲以列
於天下者也雖銘之義稱美而不稱惡以盡
其孝子孝孫之心然無美而稱之是誣也八
代之文靡矣其能免於誣乎若韓子之文與
史遷相上下而理則過之其所論撰得其正
矣今不取之以為法將何所法哉既取韓文
以為法非李柳之文又無可以附于韓此所
以舉三家以為之例也

